

Minister Otmar Oduber: Ningun momento a indica cu lo privatiza Bubali Plas

ORANJESTAD – Ayera Minister Otmar Oduber a trece informacion en corto dilanti pa loke ta mal informacion treci dilanti pa un grupo den medianan social.

Pa motibo cu tin hopi trabou tumando lugha particularmente cu reglanan y leyman, comunidad ta poniendo mas y mas atencion na e aspectonan aki. Pa cual ta hopi importante pa informacion correcto wordo treci dilanti y pa gruponan no haci uzo di nan plataforma pa mal informa comunidad.

Segun e comunicado cu Bon Dia Aruba a ricibi, ta bisa cu



un situacion recien ta esun di Bubali Plas, cual e organizacion Aruba Birdlife Conservation a expresa di tal forma

cu ta duna impresion cu Gobierno lo bay privatiza Bubali Plas. Pa cual Minister Oduber a tuma e momento pa bisa cu absolutamente esaki no ta e caso. Al contrario, manera cu por mira riba e mapa di ROP 2019 – 2029, Bubali Plas y area ta indica (amplia) como area di naturalesa protegi cu no por wordo desaroya.

Locual cu Gobierno a menciona recientemente, ta cu e planta di Rioolwaterzuiveringsinstallaties (RWZI) cu ta cerca di Bubali Plas ta den un situacion sumamente deplorabel, y cu esey cierto momento ta pensando den direccion di privatiza esaki of independis'e for di Gobierno,

den un fundacion of NV. Mescos cu e problema di desperdicio, dump etc. e maneho di awa sushi tambe ta un problema latente. E planta di RWZI mester wordo renoba, mirando cu e ta bay haci 47 aña den servicio! Un planta cu ta paga 1.7 miyon florin pa aña na coriente, mientras cu e calidad no ta na e nivel cu ta desea y tin su peligran grandi cual Gobierno ta reconoce. Pa cual a haci petition na expertonan, TNO y fundacionnan internacional pa yega mas lihe posibel na e decision cu lo mester bay tuma. Den e simannan nos dilanti, lo tin mas informacion di esaki, Minister Oduber a finalisa.